

con grande instantia richiesto il signor don Hercule che vadi subito a Fiorenza al soccorso loro.

Datae Roati, 2 martii 1529.

11 *A dì 4.* Vene in Collegio el signor Chiapin Liviano fo fiol del signor Bortolomio, signor di Pordenon, et sentato apresso el Principe: è di età de anni

Vene l'orator del duca de Milan, dicendo

Veneno li oratori del duca de Urbin, et disse haver hauto lettere del signor duca, da Roà, di 2, hore Come se partiva et andava a Pexaro per defension del suo stato, havendo hauto lettere da Fiorenza et del signor Malatesta Baion, come inimici erano in arme per venir nel stato de Urbin, el che voleva difender; et mandava la copia de la lettera scrive al Serenissimo per loro instrutione, la qual ancora non era zonta, et fè lezer la copia, *unde* el Serenissimo disse

Vene l'orator de Franza, per el qual fo mandato a chiamar, dicendoli l'andata del capitano zeneral nostro nel suo stado, el qual disse havia fatto grandissimo mal.

Da poi disnar, fo Pregadi, per proveder a questa partita del capitano zeneral.

Fu posto, per li Consieri, Cai di XL et Savi suspender li debiti de sier Cristofal Marin qu. sier Francesco, debitor de la Signoria nostra de ducati a l'officio de proveditori sora i Uffici et Cazude, *excepto* etc. per anni do, *ut in parte*, atento la soa lunga egritudine, del qual fo letto una supplication. Ave: 171, 15, 5.

Fu posto, per li ditti, pagar el dazio del vin a l'orator de Fiorenza, de anfore 10, quarta una, solo el dazio condutori sier Marco Bragadin et sier Zorzi Diedo, et de anfore 26, bigonzi 2 et quarte 2 sotto questo dazio condutor sier Marco Bragadin.

Fu presa. Ave: 154, 32, 2.

11* Fu posto, per li ditti, atento che Piero Rames consolo de subditi cesarei è debitor de tanse poste, che mai nessun consolo nostro in Spagna è tansado, *tamen* l'è contento pagar per conto de ditte tanse *de praesenti* ducati 400 donati, et sia aldito per li X Savi, et per el tempo che ha venir è contento pagar quello sarà tansado, il qual è absentato nè viene a le mostre, et ha mandato a far tal offerta: pertanto sia accetà la sua sua oblation, con questo, dagi *immediate* li ducati 400, qual sia-

no dati a l' Arsenal. Et ballotà do volte, non fu presa, perchè la vol li tre quarti de le ballote. Ave: 120 de sì, 70 de no, 9 non sincere; la seconda volta ave: 123 de sì, 72 de non, 8 non sincere.

Fu posto, per li Savi del Conseio et Terra ferma, atento sier Andrea Navaier va orator in Franza, al qual per il Collegio nostro fo comesso andasse dal signor duca de Urbin a portarli la lettera de la reconduta et accrescimento fatto, non pol più far tal officio per esser ditto Capitano zeneral partito et andato nel suo stado, come questo Conseio ha inteso; però l'anderà parte, che meteno li Savi del Conseio, che sia ballolado li Savi de terra ferma, et quello haverà più ballote debbi andar a Pexaro dal ditto signor duca, con la commission li sarà data per il Collegio.

Et li Savi a terra ferma messeno che sier Carlo Capello, va orator a Fiorenza, debbi *immediate* partirsi et andar dal ditto duca con la commission li sarà data per il Collegio nostro, et poi vadi de longo a la sua legazion a Fiorenza.

Et letto le ditte parte, sier Carlo Capello sopraditto andò in renga, dicendo non esser ordine de andar, perchè di ducati che 'l dia haver, non ne ha hauto salvo 300, et vol 15 zorni de compir de expedirsi; poi andar a Pexaro per tornar, è mal, sichè la parte de Savi a terra ferma non puol haver luogo. *Unde* el Conseio sentiva la so opinion. Andò le parte: di Savi a terraferma, et di Savi del Conseio, et questa fu presa. Et poi fo balotà li ditti 4 Savi a terra ferma, et rimase sier Marco Antonio Corner, el qual rimaso, andò davanti el Serenissimo et Signoria scusandosi non poter andar per le sue facende particular, et non havendo pena, fo accetà.

Questa è la ballotation fu fatta di Savi a terra ferma. 12

Sier Zuan Francesco Badoer, di sier	
Jacomo	68.122
Sier Zuan Contarini, qu. sier Alvise	49.143
Sier Zuan Dolfìn, qu. sier Lorenzo	120. 25
† Sier Marco Antonio Corner, qu. sier	
Zuane	139. 57

Fu posto poi, per i Savi d'acordo, havendo reudato a la Signoria nostra sier Marco Antonio Corner savio a terra ferma andar orator a lo illustrissimo signor duca de Urbin capitano zeneral nostro, però l'anderà parte, che *de praesenti* sia eleto un